



Diaranson
11 di Juni 2008
www.awemainta.com
Margrietstraat #3, Oranjestad, Aruba
Tel: 583-1400
Fax: 583-1444
Email: noticia@awemainta.com
Prijs: Afl. 1,50

Mario Asintho
Dijkhoff

Premio di Papiamento “Cadushi di Cristal 2008” otorga na Mario Dijkhoff



Premio di Papiamento “Cadushi di Cristal 2008” otorga na Mario Dijkhoff



dushi di Cristal', un caluroso bon bini.

Diadomingo dia 8 ultimo, miembronan di hurado a bin hunto pa celebra un evento masha special, cu desde 1997 ta tuma lugar cada dos aña: Otorgamento di e premio 'Cadushi di Cristal'.

Grupo Pa Promove Papiamento (GP3), un comision inter-departamental di Gobierno di Aruba, a introduci e premio importante aki 'Cadushi di Cristal' na aña 1997 cu a keda proclama como aña di Papiamento.

GP3 a stipula e criterionan cu cual e nominadonan mester cumpli, pa bini na remarca pa haya e premio aki. Algun di e criterionan aki ta: E nominado mester ta un persona biba na Aruba cu a destaca riba tereno di Papiamento den e area di literatura of di linguistica, e mester ta activo tambe pafo di su trabao oficial, e mester tin publicacion di calidad relaciona cu Papiamento.

E prome persona cu a ricibi 'Cadushi di Cristal' ta señora Digna Laclé; esey tabata den e aña di Papiamento, 1997.

Na 1999 Ernesto Rosenstand a ricibi e premio aki, na 2001 Hubert 'Lio' Booi, na 2003 Ramon Todd Dandaré y na 2006 Grupo di Teatro Mascaruba.

Y dia 8 di juni 2008 ta toca turno na señor Mario Asintho Dijkhoff pa ricibi e di 6 'Cadushi di Cristal'.

DIADOMINGO ultimo, 8 di juni, a celebra entrega di e premio prestigioso di Papiamento, 'Cadushi di Cristal', na sr. Mario Dijkhoff, conocido linguista Arubiano.

Pa motibo di su salud, e evento aki a tuma lugar na Hospital Dr. Horacio Oduber den presencia di su famia y algun colega y amigo.

Tabatin un programa alegre den cua diferente persona a hiba palabra y e hurado di Premio Cadushi di Cristal a duna su relato cu e motivacion pa otorga e premio 2008 na Mario Dijkhoff.

E biaha aki e 'Cadushi di Cristal' ta un obra di arte di nos artista

plastico Ciro Abath; un breba crioyo di glas traha cu un tecnica masha special riba un pia di marmer.

E organisacion pa otorga e premio 'Cadushi di Cristal' tabata den man di un comision chikito, consistiendo di Des Croes y Irais Sankatsing-Nava di Biblioteca Nacional Aruba y Joyce Pereira.

Aki ta sigui e relato di hurado cu ta splica e motibonan dicon Mario Dijkhoff a bini na remarca pa e premio di 2008.

Mario Dijkhoff, centro di nos atencion awe relaciona cu 'Cadushi di Cristal', tur hende presente, famia, amigo y colega di Mario, e laureadonan di 'Ca-